

乾隆四十三年七月十三
日奉

上諭舊本盛京通志敘事簡畧
體例亦多未合著交軍機大
臣派員重行纂輯書成後交

武英殿刊刻欽此

日奉

道劉四十三年十一月十二

經筵講官

太子太保武英殿大學士兼翰林院掌院學士

一等誠謀英勇公

臣

阿桂等謹

奏

臣等奉

勅重修

盛京通志恭呈

欽定繕寫告成謹奉

表上

進者伏以

璇圖出震自東基式廓之模

松牖乘乾從朔緬厥初之緒景發祥於

先葉永懷締構艱難臚紀實於

陪京備見風謠淳古千盤

陵寢天成虎踞之形一統山河地是

龍興之舊諷

時巡而稽典敬展

珠邱訂前志以勒書輝騰壁府

纘承事鉅蒐輯體嚴竊惟周官始載職方班史詳登

地理洎夫歷代並有專編顧華渚丹陵未顯孕

奇之跡幽居邨室僅傳胥宇之文仰松柏於殷

山景毫則圖經莫考指枌榆於炎社沛豐則紀
述靡聞唐家託系仙聃徒著兩京之號宋氏瀝
源天水空稱九域之書寰宇記不列典章方輿
志但箋沿革徧稽曩籍罕徵省山與宅之規欣
遇

右文特闡拓土開基之烈欽惟

皇帝陛下

德參燾載

治浹登咸廣怙冒於九瀛

聖人物觀毖幾康如一日

天子古稀疆索恢紘無間於東西南朔圖書統匯全

甄乎甲乙丙丁聿追

祖

宗櫛沐之勞如親風雨爰補志乘編摩之闕重煥丹青

惟茲遼瀋之

造邦伊昔幽營之分壤臯區神奧環滄海以爲池鐘毓

靈長屹白山而作鎮潭湧鳴江之綠萬年

慶澤方流日華鵲果之朱三姓

奇徵早定

太祖膺配

天之景命運蓋世之

神謨十三甲奮自崇朝九部沙蟲盡化廿萬人破纔五

日重關風鶴遙傳江路天寒結冰橋而徑度河

壕地險逾鐵嶺以長驅啓碁作

京千里控建瓴之勢雍容議政十亭

頒懸魏之章

太宗誕育英靈纂承統緒受降幡於海島立石銘

恩平戰壘於松山摧枯制勝克錦城而遂收寧遠匪惟
變伐申威獲玉璽而用告

郊臺允協昭華進籙六曹三院績熙揆奮以交資北伐
南徠勳集畏懷之並附

列聖規撫建樹

肇大業而開先

熙朝典則留貽

副鴻猶而率舊焜煌億禩輝遙駿之貞符肅穆

三陵萃鬱葱之佳氣榦聳神榆之蔭

運啓神功峯高天柱之標

業隆天作嘶風石馬騰驤二白猶酣向月雕弧藏奔百

鈞獨重

聖祖三臨展謁

橋山抒霜露之誠我

皇四舉升馨遼海想風雲之盛紅椿層設萬靈拱衛

森嚴粉堞重修千雉周遭鞏固若迺

崇壇翼峙

太室鼎新文武分功德之坊

清寧肅神祇之祀

篤恭

大政殿廷龍鳳齊騫

衍慶

頤和宮掖睢麟嬋美剎奉

衣冠之古型式紹庭閣儲典冊之珍義符溯澗尊藏

璩玉升秘檢而彩煥

留都彙寫

歌風溢綈囊而昭垂奕葉松花江上戰蹟披圖蘇子

河邊歡聲捧

詔撫原利往威呼偕法喇咸宜蔀屋寧居周斐與額
林共穩黉霞綳而照讀無煩鑿壁之明綴拉哈
以施工奚啻索綯之儉人文蔚起化成握槩英
髦

王氣盤紆地憶

麾戈茂烈際聲靈之熙洽資記載之詳賅前此已具成
書尙多簡略今茲重遵

申命尤慎叅稽蓋紬金匱於

五朝識

偉伐豐功之有自儆

翠華於四莅欣

湛恩曠典之頻加

指示發蒙正譌謬而懸同日月闡揚繩

武制聲謦而韻叶韶韻惟載筆胥奉

聖裁斯哀編克成善本

臣

等學荒括地才謝研京忝

依

禁近之班時親

睿訓幸預扈隨之列備觀

鴻儀因故帙以折衷擴新篇爲攷索三十七門之按
部例以倍而加詳一百卅卷之分函數惟贏而
更審

聖製文增

寶錄允矣大經大法之遺

天章體次

綸音烝哉

丕顯

丕承之慕澗瀍舊卜特敷

駿烈於無前

郊

廟新釐貝飭隆文於有秩紀創興之

宮闕儼對

堯階誌優見於

寢園恍依

軒鼎星土井疆之縷載刊正方隅山川城郭之條分鋪

張撻伐繼關郵而有津渡遵道悉就蕩平排戶

籍而及賦征誠民均臻樂利官隸雲師之掌解
字列眉士觀璧水之光科名題額軍容增制重
邊方戊巳之留屯官績傳徽兼勝國甲申之

錫謚人物表龍蒸之彥並採遼金祭祠遵

鳳罕之臨廣羅山海中孝旁撫女史隱流類綜仙經

風俗呈圖家盡敦龐之習珍腴著產壤皆清淑
之滋疏往迹而援古證今語糾夸大附瑣聞而
傳疑示信說佐瓌奇遠擷文苑之華近第詞臣
之頌凡此支分派別總歸綱舉目張勤按候以

課程暄寒屢易勉增華於踵事體例從新鉅細

稟承牋素分披

乙夜後先告藏汗青再邁辰年伏願

頒惠藝林垂芬書庫篤蒼牙之慶祚

陟降舟瑤光赤玉之編瑞衍夫雲初瓜瓞

燕貽益懋無忘二南七月之思彪炳長懸詎止通邑大

都之布臣等無任瞻

天仰

聖激切屏營之至謹奉表恭